

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-24-000753-5
Bihać, 21.10.2024. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku broj: 001-0-Su-24-000753-4 od 18.10.2024 godine, u postupku javne nabavke po obavještenju sa portala javnih nabavki broj 8581-7-1-94-3-21/24 za nabavku goriva, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli
okvirnog sporazuma

I

Prihvata se preporuka Komisije za javnu nabavku o izboru najpovoljnijeg ponuđača i okvirni sporazum za nabavku roba- goriva se dodjeljuje najpovoljnijem ponudu ČAVKUNOVIĆ-BP d.o.o. Bihać, u ukupnoj vrijednosti od 5.983,00 KM bez PDV-a, odnosno 7.000,11 KM sa PDV-om.

II

Nakon pravosnažnosti ove Odluke prijedlog okvirnog sporazuma dostavit će se na potpis izabranom ponudu.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1.3 tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 70. stav (6). Zakona o javnim nabavkama.

O b r a z l o ž e n j e

Postupak javne nabavke roba- goriva pokrenut je Odlukom o pokretanju postupka javne nabavke broj 001-0-Su-24-000753 od od 02.10.2024. godine. Javna nabavka provedena je konkurentskim zahtjevom za dostavu ponuda sa predviđenim provođenjem e-aukcije u sistemu e-Nabavke. Predviđeno je zaključivanje okvirnog sporazuma sa jednim ponuđačem na period od 30.11.2024. godine do 30.11.2026.godine. Procijenjena vrijednost nabavke bez PDV-a je 6.000,00 KM, odnosno 300,00 KM u 2024. godini, 3.000,00 KM u 2025. godini i 2.700,00 KM u 2026. godini.

Obavještenje o nabavci broj: 8581-7-1-94-3-21/24 objavljeno je na Portalu javnih nabavki dana 03.10.2024. godine i u Službenom glasniku BiH, broj: 69/24. Tendersku dokumentaciju koja je objavljena 03.10.2024. godine sa Portala javnih nabavki podiglo je 6 ponuđača.

U periodu koji je ostavljen za dostavu ponuda nije bilo postavljenih pitanja, niti žalbi od strane potencijalnih ponuđača na tendersku dokumentaciju.

Komisija za javnu nabavku imenovana rješenjem broj: 001-0-Su-24-000753-3 od 16.10.2024. godine, je dana 17.10.2024. godine u 9:15 sati, izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su

dostavili ponude. Javnom otvaranju ponuda nije bilo prisutnih predstavnika ponuđača. Nakon otvaranja ponuda, Komisija je na zatvorenom sastanku izvršila pregled i ocjenu prispjelih ponuda te sačinila Zapisnik o pregledu i ocjeni ponuda broj:001-0-Su-24-000753-4 od 17.10.2024. godine u kome je konstatovala sljedeće:

- da su blagovremeno zaprimljene dvije ponude i to ponuda ponuđača:
 1. Energopetrol d.d. Sarajevo
 2. Čavkunović-BP d.o.o. Bihać
- da nije bilo neblagovremenih ponuda,
- da ukupna ponuda ponuđača Čavkunović – BP d.o.o. Bihać iznosi 5.983,00 KM bez PDV-a odnosno 7.000,11 KM sa obračunatim PDV-om.
- da je ponuda ponuđača Čavkunović-BP d.o.o. Bihać prihvatljiva prema obliku, sadržaju, potpunosti, profesionalnoj i tehničkoj sposobnosti te da ponudena vrijednost ponude odgovara planiranim novčanim sredstvima.
- da ukupna ponuda sa popustom, ponuđača Energopetrol d.d. Sarajevo iznosi 6.136,76 KM, bez obračunatog PDV-a, odnosno 7.180,01 KM sa obračunatim PDV-om.
- da je ponuda ponuđača Energopetrol d.d. Sarajevo ispravna prema obliku, sadržaju, potpunosti, profesionalnoj i tehničkoj sposobnosti, ali je u skladu sa odredbom člana 2. stav (1) tačka 1) podtačka 2) Zakona o javnim nabavkama, neprihvatljiva iz razloga što ukupna ponudena cijena sa popustom od 6.136,76 KM bez obračunatog PDV-a, prelazi planirana, odnosno osigurana novčana sredstva od 6.000,00 KM.

Shodno navedenom, ponuda ponuđača Energopetrol d.d. Sarajevo, je u skladu sa odredbom člana 68. stav (4) tačka i) Zakona o javnim nabavkama, odbačena kao neprihvatljiva obzirom da neispunjava zahtjeve iz tenderske dokumentacije u pogledu ponudene cijene koja je veća od planiranih sredstava (tačka 1.4.2. i tačka 2.3. 1. tenderske dokumentacije).

Obzirom da je zaprimljena samo jedna prihvatljiva ponuda e-aukcija, u skladu sa odredbom člana 3. stav (3) Pravilnika o uslovima i načinu korištenja e-aukcije, e-aukcija nije zakazana.


Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, za potpisivanje okvirnog sporazuma prihvaćena je ponuda ponuđača Čavkunović – BP d.o.o. Bihać, sa konačnom cijenom 5.983,00 KM bez obračunatog PDV-a, kao najpovoljnija primjenom kriterija najniže cijene.

Obzirom na naprijed navedeno, u skladu sa članom 64. stav (1) tačka b) i člana 89. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. Čavkunović-BP d.o.o.
Banjalučka bb 77000 Bihać
2. Energopetrol d.d. Sarajevo
3. a/a



Predsjednica suda:

Fata Nadarević